



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

**Henricus, de Sancto Ignatio
Leodii, 1709**

Caput III. Natura peccati originalis.

[urn:nbn:de:hbz:466:1-73187](#)

sorribus angelis, sine fine supplicium.

4 3°. ex Psal. 30. ubi peccatum originale vocatur iniquitas: Ecce enim in iniquitatibus conceptus sum, & in peccatis concepit me mater mea. In Hebreo (teste D. Hieronymo) id non exprimitur numero plurali, sed singulari, in iniquitate, in peccato.

5 Nec hoc haeretici convenienter exponunt de iniquitate parentum, non infantium. Tum quia Psalmista non potuit absque temeritate tribuere iniquitatem parentibus per actum conjugalem ipsum concipientibus. Tum quia parentum iniquitas, siquafuisset, Psalmistam non obligasset ad petendam veniam peccatorum suorum, clamando Misere mei, Deus, secundum magnam misericordiam tuam . . . quoniam iniquitatem meam (non dicit parentum) ego cognosco . . . Ecce enim in iniquitatibus conceptus sum, &c.

6 4°. Augustinus variis locis urget etiam Apostoli verba 2. Cor. 5. Si unus pro omnibus mortuus est, ergo omnes mortui sunt: & pro omnibus mortuus est Christus. Unde l. 6. contra Julianum, Nega (inquit) Christum etiam pro parvulis mortuum, ut eximias eos de numero mortuorum, hoc est de contagio peccatorum.

7 Objicies 1°. Rationis & voluntatis usum non habens, non peccat ille qui nascitur; non peccat ille qui genuit; non peccat qui condidit. Per quas igitur rimas, inter tot prasidia innocentia, peccatum singulis ingressum? ait Julianus Pelagianus apud Augustinum l. 2. de nupt. & concupis. c. 28.

Respondet Augustinus ibidem: Quid quis latenter rimam, ubi habes apertissimam januam? Per unum hominem (ait Apostolus) peccatum intravit in mundum.

8 Objicies 2°. Omne peccatum vere ac propriè dictum esse debet voluntarium. Atqui peccatum originale parvulus materno in utero conceptus non est voluntarium.

Respondeo, licet ipsis voluntariis non sit voluntate propriâ, seu personali; voluntarium est voluntate originali, seu capitali primi parentis.

9 Instabis: intelligi non potest, quod voluntarium voluntate originali primi parentis hominum sufficiat ad hoc ut hoc vere & propriè peccatores efficiantur, qui nondum existebant, dum primus parens hominum prævaricari voluit legem Dei.

Ad id utrumque explicandum nonnulla quidem similitudines adduci possunt; sed quia illae minus satisfaciunt, melius est cum Augustino ingenuè fateri, id quidem valde difficulter intelligi; sed non ideo posse negari. Quia justum est captivare intellectum in obsequium fidei, etiam dum revelata veritas à nobis non potest comprehendendi. Et ideo Augustinus l. de morib. Eccles. c. 22. fateretur quidem peccato originali . . . nihil ad intelligendum difficultus. Juliano tamen importune sciscitant, quoniam modo culpa originalis

transfunderetur, optimè respondet: Quid à me queris quo sit factura modo; cùm factum constet aliquo modo, si Apostolo credis nullo modo, qui mentiri potuit nullo modo?

C A P U T II.

Peccatum originale non est unicum Ad peccatum, posteris ex irinsecum, seu extrinsecè imputatum, sed singulis proprium, & intrinsecè inherens.

Et de fide. Quia Tridentinum self. 5. tria 10 definit de peccato originali, cum quibus contraria Alberti Pighii assertio non consistit. Primo Adæ prævaricationem ipsi soli non nocuisse, sed & ejus propagint, acceptamque à Deo sanctitatem & justitiam, quam perdidit, non sibi soli, sed nobis etiam perdidisse, & inquinatum illum per inobedientiam peccatum; non mortem & pœnas corporis tantum in omne genus humanum transfridisse, sed & peccatum, quod est mors anima. Secundo, hoc Adæ peccatum, quod est origine unum, propagatione, non imitatione transfusum omnibus, inesse unicuique proprium. Tertio, quod per Jesu Christi gratiam, que in baptismate confertur, reatus originalis peccati remittitur, & tollitur totum id quod veram & propriam peccati rationem haberet. Unde anathema dicit ei, qui dixerit illud tantum radis, aut non imputari.

C A P U T III.

Natura peccati originalis.

In quo consistat natura peccati originalis, 11 Tridentinum non definit, sed Theologis determinandum reliquit, uti testantur Tleranus (qui Tridentino interfuit) in Apologia pro Concilio Tridentino, & Cardinalis Pallavicinus in Historia ejusdem Concilii l. 7. cap. 10. n. 8. ubi sic: Legati (id est Concilii Praefides) admonuerunt, ne quid certi statuerent de natura ipsa originalis culpe, de qua Scholasticis discordant.

Cæterum eti si hac de re Tridentini Patres 12 nihil definierint, velut fide certum, de ea tamen differuerint in Congregatione Generali 21. Maii 1546. & seqq. ut videre licet apud Pallavicinum ibidem c. 8. Et de ea quidem Reverendissimus D. Angelus Paschalensis, Dominicanus, Motulanensis Episcopus, non sententiâ modò, sed verbis S. Thomæ productis ita (optimè ut mihi videtur) differuisse narratur ab eodem: " non aliunde melius declarari posse naturam originalis noxae, sicut & " cuiusvis defectus, quā à natura perfectionis " oppositæ: prout exempli gratiâ, ut intelliga- " tur quidam sit cæcitas, opus est intelligas, " quid sit videndi facultas. Esse peccatum ori- " ginale vacuitatem quamdam, oppositam illi " perfectioni, que Adamum innocentem con- " decorabat, & justitiam originalis nuncupatur."

Oportere

Pars III. De peccato originali, effectibusque ipsius. 617

„ Oportet igitur ex illius notione illius naturali explicari. Justitia originalis „ (aiebat ille) „ duas obtinebat partes; alteram, quae præcipua erat, & quasi forma; alteram, quae ad integratem spectabat, & quasi materia. Prior erat humani arbitrii subjectio sub legitimo Domino, qui Deus est: posterior erat itidem subjectio interiorum facultatum ipsi arbitrio, quod legitimus illarum princeps est. Descensente hominis arbitrio, per Adami peccatum, à Deo, descivisse quoque facultates arbitrio subjectas. Hanc posterioriem perturbationem, aliaque hominis dama in rebellantis arbitrii ultiōnem inficta, esse quasi originaria culpæ materiam, primam vero perturbationem, qua non pœna, sed culpa fuit, esse formam, quā ipsius natura constituitur.

13 His communiter assentiebatur „ (inquit Eminentissimus Historicus) „ cùm Balthasar Eredia, Dominicanus, Bossanensis Episcopus, aliam S. Thomæ doctrinam in medium attulit. Tametsi omne peccatum, universè confideratum, præcipue, & tamquam per suam formam, constitutatur per destitutionem contrariæ fibique debite probatis, & ex hac parte nequaquam illud effectus sit, sed defectus; tamen id quod huic perinde arque ceteris rerum privationibus subiicitur, esse veram rem, verè existentem. Ita pariter, quamquam morbus in vacuitate justæ temperationis, quam in sua forma, situs sit; illi tamen substatere, tamquam materiam, humores corporis; quæ res, non rerum privationes sunt. Pariter igitur peccati originalis naturam constari ex memorata debiti ordinis destitutione; sed quod illi substernitur, esse facultates animi, hujusmodi ordine carentes, ac potissimum concupiscenti vim, quam concupiscentiam vocant, hoc est propensionem animi ad fluxa bona. Unde quandoque à Patribus peccatum eadem appellatur, eâ ratione, quā humores corporis depravati morbus corporis nuncupantur.

14 Sic utique tradit S. Thomas 1. 2. q. 82. a. 3. hisce verbis: Peccatum originale materialiter est concupiscentia; formaliter defectus originalis justitia. Ubi per concupiscentiam, habitualem intelligo conversionem voluntatis ad fluxa bona; per defectum vero seu privationem justitiae originalis, intelligo deviationem habitualem voluntatis à debita ad Deum subjectione, seu aversionem habitualem à Deo, prout ipsem S. Doctor explicat ibidem dicens: Attendenda est causa originalis peccati ex causa originalis justitiae, quæ ei opponitur. Tota autem ordinatio originalis justitiae ex hoc est quod voluntas hominis erat Deo subjecta; quæ quidem subjectio primò & principaliter erat per voluntatem, cuius est mouere omnes alias partes in finem.... Unde ex aversione voluntatis à Deo consecuta est inordinatio in omnibus aliis animæ viribus. Sic ergo privatio justitiae, per quam voluntas subdebetur Deo, est formaliter in peccato originali. Et hoc etiam D. Ansel-

mus dicit in l. de concep. Virg. c. 26. Hoc peccatum, inquit, quod originale dico, formaliter acceptum, aliquid intelligere nequó in ipsis infantibus, nisi ipsam; quam supra posui, factam per inobedientiam Aduæ justitiae debitam. Reflexione digna est clausula ista. Anselmi, factam per inobedientiam Aduæ. Quia si aliquis (per possibile, vel impossibile) supponeretur, sine suo vel alterius voluntario peccato, conditus cum privatione justitiae originalis, per quam voluntas subdenda esset Deo, privatio ista non esset ipsi culpabilis, nec formaliter peccati.

Reflexione etiam dignum est quodd justitia originalis, Adamo infusa, compositum quoddam erat variis ex partibus. Primo namque comprehendebat gratiam sanctificantem, cum virtutibus supernaturalibus, quibus voluntas Deo, velut fini suo supernaturali subjiciebatur. Secundo comprehendebat dona quibus inferiores animæ vires erant voluntati subditæ. Tertio comprehendebat cetera dona necessaria ut homo illam in Paradiso felicitatem obtingeret, quæ statu innocentiae congruebat; tam scilicet intrinseca, quæ ipsum in corporis & animæ felicitate stabiliebant; quam extrinseca bona quibus à Deo cumulabatur, & a malis externe irruentibus divinâ providentiâ protegebatur.

Quando Anselmus & S. Thomas aiunt, 16 formale peccati originalis consistere in privatione justitiae originalis, de justitia originali non loquuntur, prout omnia illa complectitur (quandoquidem homo in hoc statu naturæ lapsus per baptismum renatus justitiam originalem non habeat omnia illa complectentem) sed quatenus voluntas per eam Deo subdebatur, uti S. Thomam exponentem audiavimus.

Sic vero expositam Anselmi & Thomæ sententiam Dominicus Soto l. 1. de nat. & grat. c. 8. & 9. hæc ratione optime illustrat: illud in pueris naescientibus est originale peccatum, quod in Adamo habitualiter manxit post ejus actuale peccatum; nam quod in ipso actuator peccante fuit formalis ratio peccati, sicut in ipso, sic in tota natura relatum est per modum habitus (neque enim peccatum originale in posteris Aduæ est per modum actus, sed per modum habitus) jam vero quid aliud in Adamo fuit formalis peccati ratio, nisi obliquitas & deflexio voluntatis à lege & ordine Dei? Et quia Adam gerebat personam totius naturæ, que in ipso suscepit beneficium illud justitiae, permanens in ea quamdiu non peccasset, tota natura in ipso rea facta est illius prævaricationis, Deoque invita effecta. Quare deordinatio & deformitas illius actus, manxit per modum habitus in natura: quam proinde cum natura contrahimus. Est ergo originale peccatum, in pueris habitualiter manens, privatio justitiae originalis supra explicata.

Notanda sunt verba illa: Adam gerebat 18

personam totius natura, &c. sunt enim conformia Angelica doctrinæ q. 4 de malo a. 1. ubi sic : *Hoc donum (scilicet originalis iustitia , per quam raro subdebatur Deo , & inferiores vires rationi , & corpus anima) non fuerat datum primo homini , ut singulari persona tantum , sed ut cuidam principio totius humanae natura , ut scilicet ab eo per originem (seu carnalem generationem) derivaretur in posteros. Hoc vero donum acceptum primus homo per liberum arbitrium peccans , amissit eo tenore , quo sibi datum fuerat , scilicet pro se , & pro tota sua posteritate. Defectus ergo illius doni totam ejus posteritatem consequitur.*

19 Ita etiam S. Anselmus ubi supra c. 22. In Adam erat natura , extra quem de illa nihil erat. Est nudata iustitia quam habebat , & ea semper (nisi adjuva) careret. Hac ratione , quia natura substat in personis , & persone non sunt sine natura , fecit natura personas infantium peccatrices. Sic spoliavit persona naturam humana bono iustitia in Adam , & natura , egens facta , omnes personas , quas ipse procreat , eadem egestate , id est iustitia originalis privatione , peccatrices & injustas facit. Nam , ut dixerat c. 5. non est injustitia talis res , quia insciatur & corrumpatur anima , velut corpus veneno. Nam quemadmodum cum indomita se rupis vinculis discurrendo sevit ; & cum navis , si gubernator , dimiso gubernaculo , dimittit eam venis , & motibus maris vagatur , & invenitur in qualibet pericula , dicimus quia hoc facit absentia catene , vel gubernaculi : non quod absentia eorum aliquid sit , aut quidquam faciat ; sed quoniam si adessent , facerent ne se viret fera , aut periret navis. Ita cum malus homo in mala opera impellitur , clamamus quia hoc operatur iustitia : non quod iustitia aliquid sit , sed quia voluntas destinta iustitiæ in malum proruit.

20 Itaque secundum D. Anselmum & D. Thomam , primum Adæ peccatum non solum fuit personale , sed quodammodo naturale , id est non peccatum solum persona Adami , sed ipsius naturæ humanae , quæ tota erat in Adamo. Et ideo communicatur omnibus quibus per carnalem generationem natura communiciatur. Quia namque iustitiam originalem pro sola persona sua Adam non accepit , sed pro tota natura humana in se contenta , peccatum , quo iustitiam illam perdidit , totam naturam corruptit : quia totam naturam iustitiæ sibi debitâ privavit , privatamque Deo exosam reddit. Fuit proinde peccatum totius naturæ. Infectivum proinde personarum omnium naturam humanam per generationem naturalem participantium , prout D. Anselmus observavit , dicens : *Spoliavit persona naturam bono iustitia in Adam , & natura , egens facta , omnes personas , quas de se procreat , eadem egestate peccatrices & injustas facit.* Et ideo Apostolus Ephes. 2. dicit : *Eramus naturæ filii iræ , sicut & ceteri.*

21 Ceterum etiæ ista vera sint , verum est quo-

que quod supra landati Episcopi Tridentini cum S. Thoma afferunt , concupiscentiam habitualem (sumptam pro habituali conversione ad bona creata) esse partem quasi materialem peccati originalis ; imò esse simpliciter peccatum originale , si consideretur quatenus per inobedientiam Adæ separata à iustitia originali , eam Deo subjiciente. Ut sic enim est concupiscentia prædominans , hominemque à Deo avertens , sicut à Deo avertit Adam. Et hoc sensu Augustinus variis locis aduersus Pelagianos dicit , peccatum originale esse ipsummet concupiscentiam L. 2. contra Julian. c. 10. Concupiscentia non est malum nupiarum , sed primorum hominum peccatum , in posteros propagatione trajectum. Et l. 3. c. 21. *Malum originale dixi , cuius motibus mecum repugnas , & cuius contra me laudibus pugnas.* Unde l. 2. de peccato merito . c. 4 dicit quod concupiscentia , tamquam lex peccati , manens in membris corporis mortis huius , cum parvulus nascitur , in parvulos baptizatis à reatu solvitur ... parvulos non baptizatos reos innectit , & tamquam ira filios ... ad condemnationem trahit. Et l. 1. de nupt. c. 19. *Concupiscentia reatum regeneratione sola dimittit , quem generatio trahit.* Et addit , dimitti concupiscentiam carnis in baptismō , non ut non sit , sed ut in peccatum non imputetur , quamvis autem , reatu suo jam soluto , manet tamen donec , &c. Et ibidem c. 32. necnon l. 1. contra duas epist. Pelag. c. 13. l. 1. Retract. c. 15. & l. 6. contra Julian. c. 19. docet concupiscentiam post baptismum manere actu , transisse reatu. Denique in op. imperf. contra eudem n. 112. Pelagianos redarguit , quod nollent concupiscentiam pertinere ad originale peccatum.

Scio à novioribus quibusdam Theologis illam assertionem traduci velut Lutheranam & Calvinianam. At perperam : quia Lutherus & Calvinus in hoc damnati non fuerunt hæretici , quod simpliciter dixerint , peccatum originale esse concupiscentiam ; sed quod impie afferuerint , eam cum reatu culpæ , in regenerationis per baptismum remanere.

Scio etiam ab ipsis objici 1°. concupiscentiam in omnibus non esse æqualem ; peccatum autem originale in omnibus æquale esse. 2°. si homo in statu naturæ puræ conditus esset , in eo esset concupiscentia ; in eo tamen non futurum originale peccatum. 3°. si concupiscentia foret pars originalis peccati , per baptismum non tolleretur totum quod propriam peccati rationem haber ; cum non tollatur concupiscentia.

Sed infirma sunt argumenta ista. Ad primum namque respondeo , peccatum originale in omnibus æquale esse secundum suum formale , non secundum suum materiale , quod in nonnullis esse potest majus quam in aliis , ob pravos habitus parentum intermediorum ; licet æquale secundum id præcisè quod per inobedientiam Adæ in posteros est derivatum.

Ad 2. respondeo 1°. negando antecedens , quia

Pars III. De peccato originali, effectibusque ipsius. 619

quia concupiscentia est mala, in statu proinde illo non futura, nisi ex voluntatis consensu. 20. tales creari non posse hominem, qui sine ulla culpa sua, originali vel personali, tales pateretur concupiscentia motus, quos per seipsum ratione subjecere non posset, nec eos evitare; nisi Deus ei providentia suā ita subveniret, ut peccatum & eternam damnationem evadere posset. Alias Deus in illo statu impossibilia præciperet. Quod asseri nullo modo potest. Ad divinam proinde providentiam spectaret, tale homini illi adjutorium, saltem naturalis ordinis dare, quo secundum rationem vivere posset, peccatumque & eternam damnationem vitare, ut recte Thomas de Lemos in Panoplia gratiaro. I. tr. I. de lassione lib. arb. c. 4.

25 Nec contrarium sequitur ex Bulla Pii V. damnante hanc Baii propositionem: *Deus non potuit tales creare hominem, qualis hodie nascitur.* Sensus namque Baii erat, à Deo creari non posse hominem mortalem, justitiāque originali & gratiā sanctificante destitutum (quod jure damnatum est) eò quod proposuit. 21. affirmaret quod humana natura sublimatio & exaltatio in consorium divine nature debita fuit integratati prima conditionis, & proinde naturalis dicenda est, non supernaturalis. Et proposit. 78. *Immortalitas primi hominis non erat gratia beneficium, sed naturalis conditio.*

26 Ad 3. negatur sequela: totum enim quod propriam haber peccati rationem tollitur, dum formale tollitur, sicut totus homo tollitur, dum tollitur anima rationalis, qua forma est hominis. Nam quod eā ablata supereft, non est homo, sed cadaver. Et similiter concupiscentia, ablato reatu, non est verē & proprie peccatum, sed peccati velut cadaver.

27 Et observatione dignum est, quod in Concilio Tridentino concepta fuerat illa Decreti periodus, quā dicebatur, *non improbari à Synodo illam positionem Scholasticis usitatam, a sentibus, manere post baptismum partem materialē originalis peccati; non item formalem.* Sed, ut Eminentissimus Historicus l. 7. c. 9. narrat, *deleta est, non quia falsa;* sed quod nollent Patres Ecclesia autoritatem intermisere opinantium doctrinis, seu quod, ubi definitiones concipi possent veterum Patrum vocabulis, ea nollent à Theologis recentibus mutuari: cūm venerationi conducat, non modo sententiarum, sed etiam vocū antiquitas.

28 Nec minori observatione dignum, quod (ut idem Historicus refert ibidem) gravior exorta sit disputatio de illa particula, per quam affirmabatur, in renatis nihil Deum odisse. Objetit Seripandus, cūm concupiscentia sit origo peccati, non posse à Deo eam odio non haberi... in quo visus est Polus subsistere. Observavit etiam, si Patres ponerent, nihil inesse in renatis odiosum Deo, colligendum hinc esse, nihil in iis relinquī ope divinā purgandum, nihil reprimendum, in Tom. I.

hil contra quod pugnandum: qua omnia diuinorum Oraculorum dictis adversabantur. Aliud de ipsa esse, quā de corporis miseriis, quae in Christo fuerunt, à quo procul concupiscentia fuit. Concupiscentiam aliā ratione à caelesti regno excludi, quā corporis miseras; qua ideo solum à regno illo excluduntur, quia plena felicitati opponuntur, non quia peccato militant, ut militat concupiscentia, qua victorias omnes peccato patit. Patere ex multis Augustini locis, ipsam Deo dispergere; eamdem esse malum illud, à quo liberari efflagitant Sancti, per precationem quam nos omnes Christus edocuit... Ex Augustino concupiscentiam non esse naturae proprietatem, sed corruptionem perduellionemque naturae.

His aliisque rationibus usus est Seripandus 29 (inquit Historicus) qua tamen Patribus nequam persuadere Decreti mutationem: cū ex ipsius textura liquido appareret, ibi significari odium illud, quod *inimicitia vocatur*, & quo dicimus hominem ab homine odio haberi: quod odium verē inesse Deo nequit, in eum, qui adoptivus Dei filius est renatus: non tamen hinc excludi ab illis omnem prorsus labeculam... quam aversetur in ipsis eo odio, quod *dispergientia nominatur*.... Atque in eadem pariter significatione, post longam disceptationem, persistere in decreto posteriora verba, quibus dicitur, concupiscentiam haud nocere non consentientibus, intelligendo per vocem *nacere*, *aterrum damnum*, cuiusmodi est divinæ gratia jaēta... tametsi cunctis alioquin illa noceat aliquo pacto, &c.

Hactenū Eminentiss. Historicus, ex cuius 30 narratione perspicuum est, concupiscentiam in renatis superfitem, odiosam quidem Deo non esse odio inimicitiae, quia verē & proprie non est peccatum; odiosam tamen esse odio dispergentiae, ut docet Augustinus, quia est fomes peccati, corruptioque naturæ, per quam dissoluta est harmonia illa, in qua homo conditus fuerat. In non renatis verō cum suo reatu peccatum est verē & proprie dictum, licet sit effectus & pena inobedientiae Adami. Unum quippe peccatum alterius peccati effectus esse potest, & pena.

C A P U T VI

*Modus quo primum Ad peccatum traducitur
in posteros.*

D Uplex est de modo illo sententia. Una 31. qua traductionem illam explicat per patrum, seu decretum Dei liberum, quo Deus posteriorum voluntates in Adami voluntate collocarit, ita videlicet ut Adamo vel custodierte vel transgrediente præceptum, de non comedendo fructu vetito, omnes illud custodierte vel transgredi censerentur perinde ac si moraliter in Adamo fuissent. Altera qua dicit traductionem illam fieri, non mediante ejusmo-